



**CANTON SARAJEVO
ASSEMBLY**

Komisija za izbor i imenovanja i administrativna pitanja

Na osnovu člana 37. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15, 48/16, 9/20 i 14/20) Komisija za izbor i imenovanja i administrativna pitanja Skupštine Kantona Sarajevo objavljuje

**PONIŠTENJE JAVNOG OGLASA
ZA UPRAŽNJENE POZICIJE TRI (3) ČLANA ODBORA ZA ŽALBE JAVNOSTI**

Poništava se javni oglas za upražnjene pozicije tri (3) člana Odbora za žalbe javnosti, a koji je bio objavljen u dnevnim novinama “Dnevni avaz” dana 28.11.2019.godine i u “Službenim novinama Federacije BiH” broj: 92/19- oglasni dio,

i istovremeno

Komisija za izbor i imenovanja i administrativna pitanja

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ br. 34/03 i 65/13), člana 64. stav 2. i člana 95. stav 2. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19 i 31/19), člana 2. Odluke o standardima i kriterijima za imenovanje članova Odbora za žalbe javnosti („Službene novine Kantona Sarajevo“, broj 40/19) i člana 37. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15, 48/16, 9/20 i 14/20) Komisija za izbor i imenovanja i administrativna pitanja Skupštine Kantona Sarajevo objavljuje

**JAVNI OGLAS
ZA IMENOVANJE ODBORA ZA ŽALBE JAVNOSTI**

Objavljuje se javni oglas za imenovanje Odbora za žalbe javnosti (u daljem tekstu: Odbor) i to:

1. Predsjedavajućeg Odbora,
2. Člana Odbora (x4).

Odbor je nezavisno tijelo Skupštine Kantona Sarajevo. Članovi Odbora su predstavnici građana i biraju se iz reda istaknutih stručnjaka iz oblasti pravih, kriminoloških, kriminalističkih i sigurnosnih nauka, sa najmanje pet (5) godina radnog staža nakon sticanja visoke školske spreme, a predsjedavajući Odbora mora imati najmanje deset (10) godina radnog iskustva na pravnim ili kriminalističkim poslovima. Sastav Odbora odražava nacionalni sastav stanovništva na teritoriji koju obuhvata Kanton Sarajevo prema popisu stanovništva iz 1991. godine, te će se voditi računa o spolnoj zastupljenosti.



Imenovanje Odbora izvršit će Skupština Kantona Sarajevo, na prijedlog Komisije za izbor i imenovanja i administrativna pitanja Skupštine Kantona Sarajevo.

Odbor se imenuje na mandatni period od četiri (4) godine.

Član Odbora ima pravo na mjesečnu naknadu za svoj rad čiju visinu utvrđuje Komisija za izbor i imenovanja i administrativna pitanja Skupštine Kantona Sarajevo.

Odbor je nadležan za obavljanje sljedećih poslova: a) prima, razmatra, procjenjuje i prosljeđuje žalbe na rad policijskih službenika Uprave policije izjavljenih od građana, pravnih lica i drugih subjekata; b) prati, nadzire predmete i interni postupak koje provodi Jedinica za profesionalne standarde i obavještava građane o ishodu postupka; c) prati i nadgleda izvršenje disciplinskih sankcija izrečenih od nadležnih disciplinskih tijela i provođenje tih disciplinskih sankcija kako bi se osigurala pravičnost i dosljednost, kao i svrha kažnjavanja; d) na osnovu izvještaja Jedinice za profesionalne standarde vodi evidencije i baze podataka o žalbama građana i rezultatima istrage na osnovu kojih je pokrenut disciplinski, prekršajni ili krivični postupak; e) prati i nadgleda je li Jedinica za profesionalne standarde dostavila izvještaj nadležnom tužilaštvu u slučaju kada postoji osnovana sumnja da se radi o krivičnom djelu; f) inicira provođenje internog postupka protiv istražitelja Jedinice za profesionalne standarde ili zaduženog istražitelja zbog zloupotrebe ili zapostavljanja internog postupka; g) vrši nadzor nad ostvarivanjem nezavisnosti u radu Jedinice za profesionalne standarde koji se odnosi na pokrenuti interni postupak; h) dostavlja Nezavisnom odboru pritužbe koje se odnose na rad policijskog komesara; i) priprema i podnosi godišnji izvještaj o svom radu Skupštini Kantona; j) obavještava javnost o svom radu; k) donosi poslovnik o svom radu; l) može da traži reviziju po određenim predmetima o čemu će obavijestiti Komisiju za sigurnost; m) obavlja i druge poslove propisane zakonom i podzakonskim propisima.

Kandidati za imenovanje na poziciju predsjedavajućeg i članova Odbora dužni su ispunjavati sljedeće opće i posebne uslove:

1. Opći uslovi:

- a) da je stariji od 18 godina,
- b) da nije otpuštan iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja ovog javnog oglasa,
- c) da se na tog kandidata ne odnosi član IX 1. Ustava BiH (da se ne nalazi na izdržavanju kazne izrečene presudom Međunarodnog tribunala za bivšu Jugoslaviju i niti je pod optužnicom Tribunala, a nije se povinovao-la naredbi da se pojavi pred tribunalom);

2. Posebni uslovi:

- a) da je državljanin Bosne i Hercegovine;
- b) ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova ili drugog ili trećeg ciklusa Bolonjskog sistema studiranja, završen pravni fakultet ili fakultet za kriminalistiku, kriminologiju i sigurnosne studije, ili fakultet političkih nauka-odsjeck sigurnosnih studija, ili druge visokoobrazovne institucije pravne, kriminalističke, kriminološke i sigurnosne struke, najmanje pet godina radnog staža u struci u ovim oblastima nakon sticanja visoke školske spreme, a predsjedavajući deset godina radnog staža u struci nakon sticanja visoke školske spreme;
- c) nije član političke stranke;
- d) nije bilo na bilo kojoj poziciji u političkoj stranci na bilo kojem nivou, niti je bilo postavljeno na bilo koju poziciju od strane političke stranke;
- e) nije bilo član izvršnog ili zakonodavnog tijela na bilo kojem nivou vlasti u Bosni i Hercegovini;
- f) nije osuđivano za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti;
- i) nije aktivni policijski službenik.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



Svi kandidati koji budu ispunjavali uslove iz Javnog oglasa bit će pozvani na intervju.

Skupština Kantona Sarajevo osigurat će da se izvrše javne objave konačnog imenovanja na upražnjene pozicije.

Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom.

Prigovor se podnosi istovremeno Skupštini Kantona Sarajevo i Ombudsmenu za ljudska prava BiH.

Kandidati su dužni uz prijavu, koja sadrži biografiju-CV, adresu i kontakt telefon, priložiti sljedeće dokumente:

1. uvjerenje o državljanstvu
2. izvod iz matične knjige rođenih,
3. diploma ili uvjerenje o završenoj školskoj spremi ili ovjerena fotokopija,
4. uvjerenje –potvrdu o radnom stažu u struci;
5. saglasnost (ovjerena od strane nadležnog organa) da Komisija po službenoj dužnosti pribavi uvjerenje da nije osuđen za krivično djelo i uvjerenje da se protiv kandidata ne vodi krivični postupak, a izuzetno, kandidati za koje nije moguće po službenoj dužnosti pribaviti navedena uvjerenja će biti posebno kontaktirana u cilju pribavljanja istih,
6. izjavu da kandidat nije otpušten iz državne službe kao rezultat disciplinske mjere u periodu od 3 godine prije dana objavljivanja ovog oglasa ili izjavu da nije radio u državnoj službi,
7. izjavu da kandidat nije obuhvaćen članom IX 1. Ustava BiH,
8. izjavu da nije član političke stranke;
9. izjavu da nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
10. izjavu da nije bilo član izvršnog ili zakonodavnog tijela na bilo kojem nivou vlasti u Bosni i Hercegovini;
11. izjavu da mu nije izrečena disciplinska sankcija za teže povrede službene dužnosti;
12. izjavu da nije aktivni policijski službenik.

Uvjerenja iz tačke 2. f) i g) Komisija će pribaviti po službenoj dužnosti samo za izabrane kandidate i tek po okončanju Javnog oglasa.

Dokumenti koji se prilažu moraju biti originalni ili ovjerene kopije.

Sve izjave kandidati su dužni dostaviti ovjerene od nadležnih organa.

Svi kandidati koji budu ispunjavali opće i posebne uslove bit će pozvani na intervju.

Javni oglas biće objavljen u „Službenim novinama FBiH“ i dnevnom listu „Dnevni avaz“.

Oglas ostaje otvoren 15 (petnaest) dana od dana posljednjeg javnog objavljivanja.

Nepotpune i neblagovremene prijave neće se razmatrati.

Prijave sa svim traženim dokumentima mogu se dostaviti lično ili poštom, sa naznakom:“Prijava na Javni oglas za imenovanje Odbora za žalbe javnosti- **NE OTVARATI**“, na sljedeću adresu: Komisija za izbor i imenovanja i administrativna pitanja Skupštine Kantona Sarajevo, ul. Reisa Džemaludina Čauševića broj 1, Sarajevo.

Broj: 01-04-47595/20
Sarajevo, 26.11.2020.godine

PREDSJEDAVALAČI KOMISIJE
Mahir Dević



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

